

Niuernermi piumasaqaatit nalinginnaasut – Inuinnaat

1.5.2021-mit atuuttoq.

Niuernermi piumasaqaatit GrønlandsBANKEN-imik niueqateqarninnut tamanut atuupput, tamatumani allatut isumaqatigiissusiortoqarsimangippat.

Kontotit, akiliutitit kiisalu niuqqutit allat privatimik siuneranun taamaallaat atorinnaavatit, inuusutissarsionermi atugassarititit pillugit uagut allaganngorlugu isumaqatigiissutikkut isumaqatigiissuteqarfigisimangikkutsigut.

GrønlandsBANKEN-imik niueqateqarnermi amerlanerpaani aalajangersimasumik isumaqatigiissutit aamma atuupput, ass. pappialanik nalilinnik niuernerq pillugu isumaqatigiissut, Visa/Dankort pillugu isumaqatigiissut aamma kontot akiliissutaasartut pillugit isumaqatigiissut.

Niuernermi piumasaqaatini nalinginnaasuni immikkoortumi siullermi illit GrønlandsBANKEN-illu pisinnaatitaaffilut pisussaataitaaffilut aalajangersarneqarput. Immikkoortup aappaa GrønlandsBANKEN-imi Sullinneqarneq pillugu paasisutissanik nalinginnaasunik imaqqarpoq.

1. Erniarititit aamma kiffartuussinernut akigititit

Akit aamma akiliutitit taaneqartarput.

1.1 Erniarititit akii aamma kiffartuussinernut akigititit pillugit paasisutissat

Uninngasutitit kiisalu taarsigassarsianit aamma akiitsunit ernianik tigusisassaait aamma/ imaluunniit akiliisassaait.

GrønlandsBANKEN-ip ilinnik kiffartuussinernut kiisalu GrønlandsBANKEN pillutit saaffiginissutinik akissuteqarnissamat pisussaataitaaguni akissuteqarnermut akiliititsinnaavoq.

GrønlandsBANKEN-ip sullissinernut nalinginnaasumik erniarititit aamma akigititit GrønlandsBANKEN-ip nittartagaani allasimapput kiisalu apequtigineqarnermi paasisutissutinik akissuteqarnermut akiliititsinnaavoq.

Erniarititit aamma akigititit tamarmik nikerartuupput, allatut erseqqarissumik allasimasoqanngippat.

1.2 Erniarititit aamma akinik nikerartunik nalunaaruteqaaqaarani allanngineq

GrønlandsBANKEN-ip isumaqatigiissutit ingerlanerani nalunaaruteqaaqaarani, uninngasutitit erniarititit apparsinnaavai kiisalu taarsigassarsiat akiitsullu erniai qaffassinnaallugit, kiisalu akigititit qaffassinnaallugit akinillu nutaanik eqqussinnaalluni, pissutsit avataaneersut GrønlandsBANKEN-ip sunniuteqarfigisinnaangisai. Pissutsit taakku makkuusinnaapput, taagukkat tamakkiisuunngitsut:

- nunami imaluunniit nunani allani aningaasaqarnermi imaluunniit akitoqarnermi politikimik allannginerit, nalinginnaasumik erniarititit sunniuteqartut,
- nalinginnaasumik erniat qaffasissusaanni ineriartorneq alla, ass. aningaasanik aamma obligationinik niuerfinni, imaluunniit akileraarutini aamma akitsuutini allannginermi.

1.3 Erniarititit aamma akinik nikerartunik nalunaaruteqareerluni allanngineq

GrønlandsBANKEN-ip isumaqatigiissutit ingerlanerani qaammammiik ataasimik nalunaaruteqareerluni, uninngasutitit erniarititit apparsinnaavai kiisalu taarsigassarsiat akiitsullu erniai qaffassinnaallugit, kiisalu akigititit qaffassinnaallugit,

- pissutsini, ernianik aamma akinut ilinnut tunngasunut piumasaqaatinik aalajangersaanermi ataasiakkaatut tunngavilersorneqartuni allanngortoqarpat, imaluunniit
- GrønlandsBANKEN-ip niuernermi pissutsit tunngavigalugit nalinginnaasumik ernianik aamma akigititit aalajangersaasarni allanngortippaqq, ass. isertitaqarneq qaffanniarlugu imaluunniit GrønlandsBANKEN-ip isumalluutaanik imaqqortussusaanillu tulluarnerusumik atuinissaq anguniarlugu.

Ineqarnermut taarsigassarsianut pilersinneqareersunut GrønlandsBANKEN-ip pissutsit taakku naapertorlugit akigititit taamaallaat qaammatit 6-it tunngaannut nalunaaruteqareernikkut allanngortissinnaavai (reakkreditimut taarsigassarsiat) imaluunniit ineqarnermut akiitsornermi isumaqatigiissutinut qaammatit pingasut.

GrønlandsBANKEN-ip pissutsit taakku naapertorlugit isumaqatigiissutit ingerlasuni akinik nutaanik eqqussinnaavoq, qaammatinik 3-nik nalunaaruteqareernikkut. Akit nutaat tassaapput kiffartuussinernut, GrønlandsBANKEN-ip siusinnerusukkut akeqartittarsimangisaanut akigititit.

Kisianniil kontot akiliissutaasartut pillugit isumaqatigiissutit ingerlasuni akinik ilinnut iluanaarutaanngitsunik allanngineq imaluunniit eqqussineq qaammatinik marlunniit nalunaaruteqaaqaarluni pisaannarpoq.

Isumaqatigiissutit ingerlaavartunut aamma ilaapput isumaqatigiissutitineqartut, ass. konto pillugu isumaqatigiissut imaluunniit netbank pillugu isumaqatigiissut.

GrønlandsBANKEN nalunaaruteqaaqaarani kiffartuussinernut ataasiakkaartunut aamma nalinginnaasumik isumaqatigiissutinut nutaanut akigititit eqqussinnaallunilu qaffaasinnaavoq.

Taarsigassarsiat realkreditimut assingusut
Taarsigassarsianik realkreditimut assingusunik paasineqassaaq taarsigassarsiat, piffissami taarsigassarsinermi, akilersuinissamat piffissap

visivissusaa ukiut 10-t sinnerlugit isumaqatigiissutitineqartoq kiisalu akiligassaviit minnerpaamik 100.000 kr.-iusut, illumi nammineq pigisami qularnaveeqqusiinnikkut qularnaveeqquseqqasut. Taarsigassarsiat piffissami taarsigassarsiffiusumi taarsigassarsinermi kilitigittat, realkreditimut taarsigassarsinernut atuuttut iluanniissapput. Taarsigassarsianut realkreditimut assingusunut ernianik allannginerit, akinik allannginerit aamma akinik nutaanik eqqussinerit minnerpaamik qaammatit 6-it siuqqullugit nalunaaruteqaaqaarluni pisassapput, pissutsit avataanit pisut GrønlandsBANKEN-ip sunniuteqarfiginngisai tunngavilersuutigineqanngippata. Pisuni taama ittuni erniat allanngortinneqarsinnaanngillat, pissutsit avataaneersut pisuusup qaavatigut.

1.4 Erniarititit appaameri uninngasutitit taamaatitsinermik nalunaaruteqartunik tigusinissamat immikkut ittumik pisinnaatitaaneq

Taamaatitsinermik nalunaaruteqarnermik isumaqatigiissut alarsinnaavai kiisalu uninngasutitit kontomik taamaatitsinermik nalunaarutitaqartumit aningaasanik tigusinnaavutit erniasanik ilanngaernermit ilanngaatsinnak, erniat aningaasat akilerneqarnissaat siuqqullugu apparneqarpat.

Aningaasalli erniat apparneqarnerata atuutilleranerit kingusinnerpaamik ullut 14-it qaangiutsinnagit tiguineqassapput.

1.5 Sippuineri erniat aamma akileeqqussilluni nukingisaarnermi akiliutit il.il.

GrønlandsBANKEN-ip sippuineri imaluunniit kingusinaarluni akiliineri imaluunniit isumaqatigiissummut akileriusumik atuineri kiisalu akileeqqussilluni nukingisaarutitit nassiusinermi aamma akiliititsinermi inatsilerituunik ikiorneqarnermi aningaasartuutit il.il. sippuineri ernianik/ akissarsiasanik piumasaqaateqarsinnaavoq.

Sippuineri ernianut aamma akiliinngitsornermi pillaatitit erniaritit ilaapput.

Sippuineri erniat pillugit paasisutissat GrønlandsBANKEN-imi pissarsiarineqarsinnaapput.

Kontonut akiliissutaasartunut sippuineri erniarititaasut kontop assilinerneqarnerani aamma konto pillugu isumaqatigiissummi takuneqarsinnaapput.

Nukingisaarutitit akiliutit anertussusaat GrønlandsBANKEN-ip sullissinernut akigititaanut takussutissami takuneqarsinnaapput.

1.6 Erniari aamma akigititit allannginerit pillugit nalunaaruteqarneq

GrønlandsBANKEN ernianik aamma akigitititit allanngineri tusagassiutitit imaluunniit allakkatit imaluunniit elektroniskiusumik nalunaaruteqassaaq. Erniari allannginerit kontop assilinerneqarnerani imaluunniit naatsorsuusiami allannguerernermit siullermi ersissapput.

Ernianik aamma akigitititit allannginerit pillugit allakkatit, aningaaserviup nittartagaatit imaluunniit tusagassioffinni nalunaaruteqarnikkut paasisutissanik pissaait.

Aamma kontoni akiliissutaasartuni akinik allanngineq pillugu allakkatit imaluunniit elektroniskiusumik nalunaarfigineqassaaq.

Ernianik allannginerit naleqqiussanik tunngaveqartut, ass. Nationalbankip aallaqqaasiutaasunut uppemarsaammut erniat, taamaallaat kontop assilinerani imaluunniit GrønlandsBANKEN-imit naatsorsuutitit ersittarput.

1.7 Ulloq erniat naatsorsorneqarfiaq

Ulloq erniat naatsorsorneqarfiaq ulluavoq, ikisinerup, tigusinerup imaluunniit kontomi allatut nikerarnerup kontomi ernianik naatsorsuinermit sunniuteqarfigisaa.

Ulloq naatsorsuuseriffik ulluavoq, GrønlandsBANKEN-ip kontomi nikerarnermik nalunaarsuiffia. Ulloq naatsorsuuseriffik ernianik naatsorsuinermit sunniuteqanngilaq.

Arfininngorerit, sapaait aamma nalliuttut, Inatsisitaarfik, juulliarq aamma ukiutoq kiisalu qilaliarfiup aqagua aningaaserviup ammaffigineq ajorpai.

GrønlandsBANKEN-ip systemimik neqerooruteqartoq Danmarkimeersoq atorpaq, taanna qallunaat nalunaarutaat mallillu sulivoq, tamanna akileeqqussissummik naammassininnissamat sunniuteqarsinnaavoq. Systemimik neqerooruteqartumik Danmarkimeersumik toqqaasimanerup akornutissartarsinnaasaanut GrønlandsBANKEN arlaannaatigulluunniit akisussaasuunngilaq.

1.8 Ikisinerit

Ikisineri ullormut erniat naatsorsorneqarfianut apeqqutaavoq, konto akiliissutaasarsersoq imaluunniit konto allatut ittuersooq. Konto akiliissutaasartoq akililluni nuussinernut kontuavoq, ass. akissarsianut konto, meeqqalli ileqqagaaganut atunngitsoq.

Aningaasanik ikisineri, matuma ataani dankortimik danskit koruuniinik ikisineri, ulloq ikisiffik ulluavoq erniat naatsorsorneqarfiaq.

Danmarkimi aningaaserviinnit danskit koruuniinik nuussinermi ulloq aningaaserviup aningaasanik tigusiffiani erniat naatsorsorneqartarput.

Aningaaserviinni kontot akornanni danskit koruuniinik nuussinermi ulloq ernianik naatsorsuiffik tassaavoq, aningaasat tigusisup kontoanut

ikineqarfii. Aningaaserivimmi nammineq kontot akornanni nuussinermi ulloq erniat naatsorsorneqarfiat tassaavoq ulloq nuussiffiusoq aningaaserivluup ammaffigisaa.

Nunamit allamit nuussinermi kiisalu nunat allat aningaasaanik Danmarkimi DKK-jungitsunik tigusinermi, Nunamut allamut nunamillu allamit nuussinermit piumasaqaatinut innersuussisoqarpoq.

1.9 Tigusinerit

Kontomit tigusinermi imaluunniit nuussinermi ulloq erniat naatsorsorneqarfiat tassaavoq ulloq aningaasanik tigusiffiusoq aningaaserivluup ammaffigisaa.

Kortimik niuertarfimmi imaluunniit automatimi atuinermi ulloq erniat naatsorsorneqarfiat tassaavoq, ulloq aningaasat kontomit nusunneqarfiat. Aallaavittut tamanna ullormi kortip atorneqarfiani pisarpoq. Aningaasat kontomit nusunneqarfiannit aningaaserivluup ullormi ammaffiginngisaani, ulloq erniat naatsorsorneqarfiat tassaassaaq tamatuma kingorna ulloq aningaaserivluup ammaffia siulleq.

Nunamut allamut nuussinermi kiisalu nunat allat aningaasaanik Danmarkimi DKK-jungitsunik nuussinermi, Nunamut allamut nunamillu allamit nuussinermit piumasaqaatinut innersuussisoqarpoq.

1.10 Kontot aamma nikerarnerit immikkut ittut

Nikerarnermut aamma kontonut immikkut ittut ulloq ernianik naatsorsuisariaatsit immikkut ittut malillugit erniat naatsorsorneqarpartup, ass. pappialanik nalilinnik niuernermi kiisalu nunat allat aningaasaanik ikisisoqarnerani tigusisoqarneranilu.

1.11 Ernianik aamma akissarsiasaanik naatsorsuineq pissarsisitsineq

Erniat aallaavittut ulut tamaasa naatsorsorneqarpartup. Kontomit aalajangersimasumut suna atuunnersoq, GrønlandsBANKEN-imi paasisaqaarfisinnavaat. Erniat positiviusut uninngasutitut nalinginnaasumik ukiumoortumik ataasiarluni kingumoortumik pissarsiaritinneqarpartup. Qularnaveeqqutitut, taarsigassarsianut aamma akitsunut erniat aamma akissarsiasat qaammatikkaartumik, qaammatit pingasukkaartumik imaluunniit ukiup affakkaartumik pissarsisitsisoqarpartup.

GrønlandsBANKEN-ip uninngasutitut ernianik negativiusunik qaammatit pingasukkaarlugit nusussisarnissaq toqqarsinnaavaa. Uninngasutitut erniat negativiusut kontoni eqqugaasuni aamma/imaluunniit ataatsimut kontomi ataatsimi imaluunniit arlalinni nusunneqassapput.

GrønlandsBANKEN-ip aalajangersinnaavaa, aningaasat aalajangersimasut ataallugit erniat atorunnaassasut imaluunniit ernianik akiliiffissap tullianut nuunneqassasut.

GrønlandsBANKEN-ip qaqugukkulluunniit piumasaqaatinik sumiginngasunik allaffisornikkut aamma naatsorsuinikkut ernialersuineq unitsissinnaavaa.

Ernialersuineq unippat, illillu isumaqatigiissuteqarfigineqanngikkuit, tamanna isumaqanngilaq GrønlandsBANKEN-ip pisassaminik erniaqartitsinissamut aamma aningaasartutitut kingusinnerusukkut takkuttunut matussusiinissamut piumasaqarnissamut pinnaatitaaffini taamaakkikaa.

2. Ikisinerini piumasaqaateqarneq

Kontonut aningaasaniunngitsoq ikisinerit tamarnik, GrønlandsBANKEN-ip aningaasanik tigusinissaanik piumasaqaatitaqarpartup. Piumasaqaat atuuppoq, akilikkat uppersaataanni imaluunniit ikisineq pillugu ilisimatitsissummi allami taaneqanngikkaluortorluunniit.

Kontonut ikisineq kontonormumut taaneqarsimasumut pissaq, paasisutissat taaneqarsimasut allat apeqquataatinngait.

GrønlandsBANKEN-ip aningaasanik kontonut ikineqarsimasunik utertitsinnaavoq ersarisumik kukkusooqarsimappat, ass. aningaasat assiguit marloriarlutik ikineqarsimappata.

3. Piginnaatitsinerit

Piginnaatitsinerit kontot ataatsimoorussat aamma toqortoasiviit pillugit aalajangiiffigisinnavaat.

Illit kontonut toqortoasivinnullu inuk alla piginnaatinneqarsinnaavoq. Tamanna allakkatigut pissaq nalinginnaasumillu GrønlandsBANKEN-ip piginnaatitsinermit immersugassaani.

Piginnaatitsinermit allanngiineq imaluunniit tunuartitsineq aamma allakkatigut pissaq.

Piginnaatitsineq atorunnaassaaq, GrønlandsBANKEN ilisimatinneqarpartup piginnaatitsissummiq tunniussisoq toqqukut qimagussimasoq, kiisalu pigisanik agguassinermit eqqartuussinerup toqusup pigisaanik suliaqarnermi isummernissaata tungaanut kontot toqqorsivillu matuneqassapput.

Kontot ataatsimoorussat aamma toqortoasiviit ataatsimoorussat aamma matuneqassapput, GrønlandsBANKEN ilisimatinneqarpartup piginnittoq toqqukut qimagussimasoq, piginnaatitsinerlu atorunnaassaaq.

4. Aningaasartutit utertitsineq

GrønlandsBANKEN tulluutut utertinnissaanut pinnaatitaavoq:

- aningaasat, GrønlandsBANKEN-ip illit sinnerlutit akilerallakkani. Taakku ass. tassaasinnapput akileraarutit akitsuutillu kiisalu ataveqatiginermit aningaasartuutit,
- aningaasartuutit, isumaqatigiissutitut sumiginarukkit GrønlandsBANKEN-ip aningaasartuutigisai. Taakku ass. tassaasinnapput sillimasiinermit akilersuutitut akiliutit,

qularnaveeqqutitut qularnaveeqquteqartunut attuumassuteqartunut aningaasartuutit, eqqartuussinermit akitsuutitut, inatsisilerinermit ikiortinnermut il.il.

5. Nunami allami niueqateqarnerit

GrønlandsBANKEN illit sinnerlutit nunami allami niuernermit ingerlatsissaguni, GrønlandsBANKEN-ip niuernermit attavissaq toqqassavaa, allatut isumaqatigiittoqarsimannigppat. Aningaaserivluup atorqartup kukkunerit kiisalu akiliisinnassuseqarneranur GrønlandsBANKEN akisussaasuunngilaq.

GrønlandsBANKEN aqquqtagalugu nunami allami pappialanik nalilinnik toqqortoateqaruit, GrønlandsBANKEN nunami allami niuernermit attavigisap kukkussutiginnaasaanut kiisalu akiliisinnassuseqarneranur akisussaasuvoq, illit nammineerlutit niuernermit attavigisap toqqarsimannigikkukku.

Illit aamma GrønlandsBANKEN nunami allami aningaaserivimmut isumaqatigiissummut eqqartuussinermit inatsisit, ileqqut aamma niuernermit piumasaqaatit malissavasi.

6. Taarsiinissamut akisussaaffik

GrønlandsBANKEN taarsiinissamut akisussaasuvoq, kukkuneq imaluunniit sumiginnaaneq pissutitaglut pissaaffiit isumaqatigiissutiginneqartut kingusinaartumik imaluunniit amigartumik naammassineqarparta.

Aamma immikkoortuni, akisussaaffiit sakkortunerusut atuuffiinni, GrønlandsBANKEN annaasaqarnermut makkuninnga pissuteqartunut akisussaasuunngilaq:

- it-systemini ajutoorneq/it-systeminut isersinnaannginneq imaluunniit systemini taakkunani paasisutissanik ajoqusertoqarnera, pisunut ataani taaneqartunut atatinneqarsinnaasut, GrønlandsBANKEN-ip nammineerluni imaluunniit avataanit tunisassioqartup systeminik ingerlatsisunersut apeqquataanani
- GrønlandsBANKEN-ip kallerup inneranik pilersorneqarnerani imaluunniit telekkut attaveqatiginermit ajutoortoqarnerani, inatsisitigut akiliittoqarnerani imaluunniit ingerlatsinikkut iliuuseqartoqarnerani, pingortitami ajunaarnerusaqarnermi, sorsuttoqarnerani, pikitsitsisoqarnerani, innuttaasut akornanni eqqissivillioortoqarnerani, ajortumeeriniartoqarnerani, peqqarniisaarniartoqarnerani imaluunniit aseroterisoqarnerani (matuma ataani computerikkut virusit aamma hackerineq)
- suliumajunnaarnermi, pilisitsiumajunnaarnermi, ilaginnikkumajunnaarnermi (boykot) imaluunniit assersuinermit, tassani apeqquataanani aaqqiagiinnigssut GrønlandsBANKEN-imut tunnganerisq imaluunniit GrønlandsBANKEN-imit imaluunniit taassuma aqqiussuusaanerani aallartinneqarsimanersooq, kiisalu aaqqiagiinnigssutit pissaata apeqquataatinngau. Tamanna aamma atuuppoq, aaqqiagiinnigssutit GrønlandsBANKEN-ip ilaannaa eqqorpagu
- pissutsit allat GrønlandsBANKEN-ip aqutsinnaanerata avataanittut.

GrønlandsBANKEN-ip akisussaanniginnissaa atuutissanngilaq

- GrønlandsBANKEN-ip pissutsit annaasaqarnermut pissaasut, isumaqatigiissummik atsiomermit ilimagereersimasussaagaluarpagit, imaluunniit annaasaqarnermut pissaasooq ingallassimasussaagaluarpagu imaluunniit ajugaaffigisussaagaluarpagu
- inatsisitigut pisuni tamani GrønlandsBANKEN pissutsinut annaasaqarnermut pissaasunut akisussaasuutippagu.

7. Ilanngaassineq

GrønlandsBANKEN-ip nalunaaruteqaaqqaarani ilinnit pisassarisaminik akilerneqarsimasunik sunilluunniit ilanngaassinnaavoq, GrønlandsBANKEN-imi pisassarisaniit pisassariligassanilluunniit sunilluunniit. Tamannali atuutinngilaq akissarsianut imaluunniit pisortanit pisartakkannut il.il. nalinginnaasumik inuuniarnermi aningaasartuutitut matussusiinissamut pisariaqartunut. Uninngasutit ilai inatsisit naapertorlugit akiliisitsiniartartunut malersorneqarnissamut taamaattumillu ilanngaassinissamut illersugaasarpur.

GrønlandsBANKEN ilanngaassinermi nalunaaruteqassaaq.

8. Sullinneqarnermik atorunnaarsitsineq

Nalunaaruteqaaqqaarnak qaqugukkulluunniit sullinneqarnerit atorunnaarsinnaavaat, allatut isumaqatigiittoqarsimannigppat. GrønlandsBANKEN-ip sullissineq atorunnaarsinnaavaa aningaaserivluup suleriaasiat naapertorlugu naleqquttumik nalinginnaasumillu nalunaaruteqarnikkut. Taarsigassarsiaritanut uppersaatinut allatut isumaqatigiittoqarsimannigppat qaammatinik marlunnik sioqqutsilluni nalunaartoqassaaq.

GrønlandsBANKEN-ip atorunnaarsitsinerani tunngavilersorluakkamik pappialatigut imaluunniit elektroniskiusumik nassuiaasoqarnissaa piumasarisinnaavaat.

Sullinneqarneq atorunnaarpat, GrønlandsBANKEN-ip qularnaveeqqusiinermit aamma akiliussissusamaateqarnermi pissaasaffiit atorunnaarsinnaavaat, matuma ataani allamiit aningaasaanni pissaasaffiit kiisalu pissaasaffinnik allanik ilinnut isumaqatigiissutaasimasunik tigungimnaarluni. Pissaasatitavutit pissaasaffinnit tamanit sullitigut sinnerlugu isumaqatigiissutigiissutaasunit GrønlandsBANKEN tigungmisaqarunnaartissallugu kiisalu pisariaqarpart tamatumunnga qularnaveeqqusiisallutit.

GrønlandsBANKEN-ip sullinneqarneq nalunaaruteqaaqqaarani atorunnaarsinnaavaa, GrønlandsBANKEN-imut paasisutissat, GrønlandsBANKEN-ip inatsisit naapertorlugit ilinnit aanissaanur pisariaqartutut isigisai tunniutinngikkukkit, ass. pinerlunnikkut

aningaasarsianik malunnarunnaarsaasarneq pillugu inatsit imaluunniit akileraarutiniq aqutsineq pillugu inatsit.

9. Oqaatsit aamma attaveqatigiinneq

Oqaatsit

GrønlandsBANKEN kalaallisut qallunaatullu isumaqatigiissusiortarpoq attaveqartarlunilu, isumaqatigiissummi allatut allassimasoqanngippat. Uppernarsaatini immikkut ittuni GrønlandsBANKEN-ip aalajangersinnaavaa niuernermi oqaatsit qallunaatuujussasut. Isumaqatigiinnngissuteqartoqarnerani isumaqatigiissut qallunaatoortoq nassuiaanermi tunngavigineqassaaq

Elektroniskiusumik attaveqatigiinneq

Aallaavittut GrønlandsBANKEN-imit takussutissiat, nalunaarutit, isumaqatigiissutit aamma piumasaqaatit il.il. netbankikkut imaluunniit e-boks-ikkut elektroniskiusumik tigusassavatit, tassani apeqqutaanani isumaqatigiissutini piumasaqaatini il.il. oqaatsit allakkatigut il.il. atornerarnersut.

GrønlandsBANKEN isumaqatigiissuteqarfigisinnaavat, nalunaarutit aamma isumaqatigiissutit il.il. pappilianngorlugit nassiunneqartarnissaat, tamatumunngali akiliuteqartoqartarsinnaavoq.

GrønlandsBANKEN-ip aalajangersinnaasuaannarpaa nalunaarutit, isumaqatigiissutit, piumasaqaatit il.il. pappilissatigut nassiutissallugit.

GrønlandsBANKEN-ip nammineeeluni nalunaarutiniq imaluunniit isumaqatigiissutiniq il.il. pappilianngorlugit nassiussippat akiliuteqassanngilatit.

Allakkat uppernarsaatillu elektroniskiusut, nalinginnaasumik allakkatigut tiguneqarsimasutuulli inatsisitigut sunniuteqarput

10. Inatsisunik toqqaaneq aamma eqqartuussivik suliassinneqartussaq

Isumaqatigiinnngissutit eqqartuussivikkoortut kalaallit inatsisaat malillugit kiisalu Kalaallit Nunaanni eqqartuussivimmi aalajangiivigineqassapput.

11. Niuernermi piumasaqaatinik nalinginnaasunik allanngineq

GrønlandsBANKEN-ip Niuernermi piumasaqaatit nalinginnaasut ilinnut iluaqutaappat nalunaarfigeqqaarnak allanngortissinnaavai. Taamaanngippat allannguutit qaammatiniq pingasunik sioqqutsilluni nalunaaruteqarnikkut pissapput.

Niuernermi piumasaqaatinik nalinginnaasunik allanngineq pillugu paasisutissiineq allakkatigut, elektroniskiusumik imaluunniit tusagassiorfitsigut allagarsiinikkut pissaaq, GrønlandsBANKEN-ip nittartagaani sumi allannguutit takuneqarsinnaaneritut innersuussisoqarluni.

Paasissutissat nalinginnaasut

Sullinneqarneq pillugu paasissutissat nalinginnaasut, matuma ataani paasissutissat GrønlandsBANKEN-ip ilisimatissutiginissaanut pisussaaffigisai.

1. Inuttut paasissutissanik suliaqarneq

Illit inuttut paasissutissanik katersineq aamma suliaqarneq
GrønlandsBANKEN-ip sullissinnaaniarpattit, GrønlandsBANKEN-ip atit, najukkat aamma CPR-nr. pisariaqartippai. Tamakku saniatigut akileraarutinut tunngasut paasissutissutigissavatit. Paasissutissat pisortanit uppersaatinik takutisinnik uppersassavatit. Aningaaseriviup piumasaqatigisinnaavaa passi imaluunniit uppersaata alla assitalik aamma CPR-nr.-talik takutissagat.

Tamatuma saniatigut paasissutissutigissavatit aningaaserivimmik sullinneqarnissannut siunertat kiisalu annertussusissaa naatsorsuutigisat.

GrønlandsBANKEN paasissutissanik piumappat, nammineq aalajangissavatit tunniutissanerlugit. Paasissutissali GrønlandsBANKEN-imut tunniukkusunngikkukkat, tamanna isumaqarsinnaavoq, GrønlandsBANKEN-ip siunnersortullu sullissinnaajunnaassagaatit.

GrønlandsBANKEN-ip illit pillutit paasissutissat suliarisarpai, aningaaserinermi kiffartuussinermi qanoq ittuniluunniit neqerooruteqarnermut atugassatut, matuma ataani

- akiliinermi
- sullitamik siunnersuinerimi
- sullitanik isumaginninnermi
- sullitat pillugit allaffissornermi
- akiliisinnaassutsimik naliliinermi
- tuniniaanermi aamma
- inatsisit naapertorlugit pisussaaffinnik eqqutsitsinermi

Akiitsorsinnaalluni akiliiummik imaluunniit kortimik akiliiummik, netbankimik imaluunniit akileeriaatsimik allamik atugaqaruit il.il., GrønlandsBANKEN niuertarfinit, aningaaserivinnit allanillu paasissutissanik aallertarpoq. GrønlandsBANKEN taamaaliortarpoq, akiliutit naammassisinnaaniarlugit aamma kontop assilineri, akiliinerit takussutissartaat assigisaallu suliarisinnaaniarlugit.

GrønlandsBANKEN Aternik Qitiusumik Nalunaarsuiffimmit aamma pisortani ilisimatissartunin nalunaarsuiffinnillu paasissutissanik aallertarpoq. Akiliisinnaassutsimik naliliinermi GrønlandsBANKEN-ip misissortarpa, akiiisoqarneq pillugu paasissutissiarfinni aamma mianersoqqusisarnermik nalunaarsuiffinni illit pillutit paasissutissanik nalunaarsuisoqarsimanersaq. Aningaaseriviup paasissutissat ingerlaavartumik nutartertarpai.

Ikisinerit aamma tigusinerit qanoq ittunulluunniit atatillugu GrønlandsBANKEN ikisisunit, niuertarfinit, aningaaserivinnit allanillu paasissutissanik aallertarpoq akiliinerup eqqortumik naammassisissaa siunertaralugu aamma inatsisit malinniarlugit, kiisalu kontop assilinerinik, akiliinerit takussutissanik il.il. suliaqarniarluni.

Pinerlunnikkut aningaasarsianik malunnarunnaarsaasarneq pillugu inatsit naapertorlugu GrønlandsBANKEN ingerlaavartumik GrønlandsBANKEN-imik sullinneqarneq pillugu siunertaq annertussuserlu siunertarineqartuq pillugu paasissutissanik aallertarpoq. Ilanngullugu aningaasaatitv suminggaanneernerat aamma nuussinerit nalinginnaanngitsut kiisalu nuussisarnermi nalinginnaanngitsut pillugit paasissutissanik ingerlaavartumik aallertoqartarpoq. Saniatigut GrønlandsBANKEN, GrønlandsBANKEN-ip aarlerinaatinik nalilersuereermermi inatsimmik eqqutsitsinissamat qulakkeerininnissamat pisariaqartutut isigisaannik paasissutissanik aallissaq.

Tamatuma saniatigut GrønlandsBANKEN suleqatigisanit illit pillutit paasissutissanik aallersinnaavoq, matuma ataani aningaaserivinnit attaveqatigisanit aningaaserivinnillu allanit, pisuni akuersissutigisimasanni, imaluunniit taamaaliortoqarnissaanut inatsisit periarfissiippata.

GrønlandsBANKEN aqutugalugu pappialanik nalilinnik niuersinnaanissat qulakkeerniarlugu, GrønlandsBANKEN naalagaaffimmi innuttaassuseq, akileraartartup normua aamma/imaluunniit paasissutissanik allanik oqartussaasunik piumasarineqartumik aallissaq, pappialanik nalilinnik niuernitit oqartussaasunut nalunaarutiginnissaanut atugassat tamakku pisariaqarpat.

Oqarasuaatikkuq immiussinerit aamma tv-kkut nakkutiginninneq
Isumaqatigiissutinut uppersaatait kiisalu eqqortumik sullinneqarneq qulakkeerniarlugu GrønlandsBANKEN-ip oqarasuaatikkuq oqaloqatigineqarmit immiullugilu toqqorsinnaavai. GrønlandsBANKEN-ip ilaatigut oqarasuaatikkuq oqaloqatiginnerit, pappialanik nalilinnik nuussinermi il.il. kinguneqarsinnaasut kinguneqartullu immiuttarpai.

Isumannaallisaaneq pissutigalugu GrønlandsBANKEN tv-kkut nakkutillisinnaavoq il.il. ass. sullitanik sullissinermi, isaarissanik, illup saqqaanik aamma aningaasnik tigusisarfinnik.

Inummut aamma sullitamat paasissutissanik toqqorsineq
GrønlandsBANKEN-ip illinut paasissutissat taamaallaat toqqorsimasarpai, toqqorsinermut siunertaqarnerani, matuma ataani paasissutissat attuumassuteqarlutillu pisariaqarneranni.

Pinerlunnikkut aningaasarsianik malunnarunnaarsaasarneq pillugu inatsit malillugu paasissutissat, uppersaatait nalunaarsuinerillu sullinneqarnerup atorunnaarneranit minnerpaamik ukiuni 5-ini toqqorsimaneqartarput.

GrønlandsBANKEN-ip sullinneqarnissaq anguniarlugu GrønlandsBANKEN-imut paasissutissat tunniunniukuusatit ukiut marluk tungaanut toqqoqqasarpai – aamma sullinneqarneq pilersinneqngikkaluarpalluunniit. GrønlandsBANKEN taamaaliortarpoq peqquserluttoqarnissaanut imminut illersorniarluni.

Inuttut paasissutissanik suliaqarnermut tunngaviosuq
GrønlandsBANKEN-imu sullinneqarniaruit, inatsisit naapertorlugit pisussaataavutit GrønlandsBANKEN-imut paasissutissanik arlalinnik tunniussinissamat.

GrønlandsBANKEN-ip sullissineranut inatsisitigut tunngaviosuq aningaasaqarnermi malittarisassat kiisalu inatsisit allat, matuma ataani

- Naatsorsuosiortarnermik inatsit
- Pinerlunnikkut aningaasarsianik malunnarunnaarsaasarneq pillugu inatsit
- Akileraaruserinermik ingerlatsineq pillugu inatsit
- Inummut paasissutissanik suliaqartarneq pillugu inatsit

Tamatuma saniatigut paasissutissat suliarineqarsinnaapput, GrønlandsBANKEN-imik isumaqatigiissuteqarneq malillugu pisariaqarpat imaluunniit GrønlandsBANKEN-imut isumaqatigiissuteqarnissaq eqqarsaatigigukku, imaluunniit akuersissuteqarsimaguit.

GrønlandsBANKEN-ittaaq paasissutissanik suliaqartarpoq, GrønlandsBANKEN-imut inatsisitigut akuerisamik soqutigisamik malersuinissaq pisariaqarpat. Tamanna ass. atorneflunerimik annaasaqarnermillu pinaveersaartitsinerusinnaavoq, IT-mik kiisalu akiliisarnermi isumannaallisaanermik nukittorsaanermut atuinermuusinnaavoq kiisalu toqqaannartumik tuniniaanermuusinnaalluni.

GrønlandsBANKEN-ip Kalaallit Nunaanni inummut paasissutissat pillugit inatsit malittussaavaa. Aningaaseriviup paasissutissanik suliaqartarnerani Danmarkimi aningaaseriviit suliaqartariaasanut assigiinngissutit assigiisutisillu aningaaserivup nittartaqaani takusinnaavattit.

Illit pillutit paasissutissanik ingerlatitseqqinneq
GrønlandsBANKEN-ip sulisui nipangiussimasussataapput.

Illit pillutit paasissutissat taamaallaat ingerlateqqinneqarsinnaapput akuersiteqqaarlutit, imaluunniit inatsisit naapertorlugit GrønlandsBANKEN pisussaataapput imaluunniit pinnaatitaapput paasissutissat ingerlateqqissallugit.

Sullissineq pillugu paasissutissat ass. akuersititseqqaarani allaffissorinikkut suliasanik suliaqarnermut atugassatut suleqatigisanut ingerlateqqiisoqarsinnaavoq.

Aamma ilinnut paasissutissat ass. akuersititseqqaarani ukununga ingerlateqqinneqarsinnaapput:

- Akileraartarnermut Aqutsisoqarfik, Immikkut Aningaasaqarnermi aamma Nunani Tamalaani Pinerlunnermut Naalagaaffiup unnerluussisuanut (SØIK), matuma ataani Pinerlunnikkut aningaasarsianik malunnarunnaarsaasarnermik akiuniarluni allattoqarfik, Nationalbanken aamma pisortani oqartussaasut allat, GrønlandsBANKEN ingerlatitseqqinnissamat pisussaataapput
- Aningaaseriviit allat il.il. aningaasnik nuussinermi eqqortumik nalunaarsuinissamat atugassat
- Akiiisoqarneq pillugu paasissutissiarfintut aamma mianersoqqusisarnermik nalunaarsuiffinnut akiliisinnaassutsimik naliliinermi kiisalu isumaqatigiissutinik paarsinerlunninni.

IT-kkut ineriartortitsinerit, qarasaasiakkut atukkiussinermut aamma ikiuinerit atatillugu inummut paasissutissanik paasissutissanik suliaqartartunut nuussisoqarsinnaavoq, matuma ataani nunani allani paasissutissanik suliaqartartunut aningaaseriviup isumaqatigiissuteqarfigisimasanaut imaluunniit aningaaseriviup suleqatigisanik isumaqatigiissuteqarnerata kingunerisaanik. GrønlandsBANKEN inatsilinerinikkut ingerlatsinerit arlalit atortarpari, matuma ataani assersuutigalugu nalinginnaasumik isumaqatigiissutit EU-mi Isumalloqatigiissitamat imaluunniit Datatilsynet-imit akuerineqarsimasut, tamatumani qulakkeerniarlugu, pinnaatitaaffit kiisalu illersuinerup annertussusaa ilinnut paasissutissanut malinnaasut.

Illit inuttut paasissutissanik takunnissinnaaneq
GrønlandsBANKEN-ip ilinnut paasissutissanik sorliit suliarisarnerei, suminggaanneermersut kiisalu GrønlandsBANKEN-ip sumut atortarnerai pillugit takunnissinnaatitaavutit. Paasitinneqarsinnaavutit, ilinnut paasissutissat GrønlandsBANKEN-ip qanoq sivisutigisumik paarisarnerei kiisalu ilinnut paasissutissanik ingerlatitseqqittoqarsimappat kikkut tigusisuunerannik.

Takunnissinnaanerli inatsisitigut killeqarsinnaavoq, allat inuttut illersugaanerit eqqarsaatigalugu aamma GrønlandsBANKEN-ip niuernermi tunngavigisai kiisalu niuernermi suleraasia eqqarsaatigalugu, soorlu aamma GrønlandsBANKEN-ip paasimasaqassusaa, niuernermi isertugaata kiisalu illup iluani naliliinerit aamma atugassat takunnissinnaatitaanermit minineqarsinnaapput.

Automatiskimik aalajangiinerit, matuma ataani erseqqissaaneq
GrønlandsBANKEN automatiskimik aalajangiisnaavoq, matuma ataani erseqqissaalluni. Aalajangiinerup qanoq aalajangerneqarsimaneq suliaqarnerullu kingunerisai pillugit takunnissinnaavutit, aamma periarfissaraat automatiskimik naliliinerup inummut suliaritissallugu.

